

醫西古集

一〇



(京)新登字 027 号

中醫珍本叢書

醫方集宜

一函十冊

〔明〕丁鳳纂輯

出版：中醫古籍出版社

印刷：杭州富陽古籍印刷廠

發行：新華書店總店科技發行所

一九九二年十二月第一版  
一九九一年十一月第一次印刷

ISBN 7-80013-400-8/R·397

定價：650.00 元



南京中医药大学图书馆版权所有

醫方集宜卷十目錄

外科門



南京中医药大学图书馆版权所有  
南京中医药大学图书馆

醫方集宜卷之十

外科

瘡科總論

夫癰疽瘍癰者皆繇氣血不和喜怒不時飲食不節寒暑不調使五臟六腑之氣怫鬱於內以致陰陽乖錯氣血凝滯而發也夫癰疽之疾多生於膏梁富貴之人以其平昔所食肥膩炙燂安坐不勞嗜慾無節以致虛邪熱毒內攻煎熬氣血而成也癰者壅也大而高起屬乎陽六腑之氣所生也其脉浮數疽者沮



也平而內發屬乎陰五臟之氣所成也其脉沉數瘡者其總名也瘡者有頭小瘡也經云諸痛痒瘡皆屬心火蓋心主血而行氣若氣血凝滯挾心火之熱而生癰疽之類也夫癰發於六腑若燎原之火外潰肌肉疽生於五臟沉澁難療若陶室之燧內消骨髓癰則易療而難瘥疽則難療而易痊諸瘡之中惟背疽疔瘡最爲急症其次莫如腦疽腸癰喉癰之類亦其急者也至若瘰癧懸癰痔漏諸瘡其症可緩而治也又有疥癬瞼瘡風疳之類其輕重緩急自有不同也

凡人年四十以上頭項髮頤背脅腰脇或筋骨之上所視不見之處稍有瘡癧便不可輕易待之若怠慢以爲常疾每見從微至著喪命者多矣須宜急速治之庶幾得救凡瘡未破毒攻臟腑一毫熱藥斷不可用若已破潰臟腑旣虧飲食不進一毫冷藥亦不可用此先後次第之要訣也夫瘡有五善七惡不可不辨已上所論大綱其諸症候治法別論于後

### 形證

夫癰之形其發暴甚皮膚光軟腫痛而高大者癰也

醫方集宜 卷一  
疽者其發猛惡出自肌骨初生一頭形如痞癟白色  
焦枯觸之而痛應心者疽也

五發者謂發背發腦發鬚發眉發頤是也人之一身  
血氣周流而無間稍有壅聚莫不隨所至而發焉  
故名五發

疔瘡者皆由臟腑積受熱毒邪風相搏於經絡之間  
以致血氣凝滯注於毛孔手足頭面各隨五臟部  
分而發也初發之時形如粟米或疼或痒遍身麻  
木頭眩寒熱時生嘔逆甚則四肢沉重心驚眼花



蓋疔初發時尖起如疔故謂之疔此瘡含蓄毒氣  
突出寸許痛痒異常一二日間害人甚速是尤在  
癰疽之上也其白疔發於右鼻赤疔發於舌根黃  
疔發於口唇黑疔發於耳前青疔發於目下蓋取  
五色之應五臟各有所屬部位而然也或生於肩  
背或生於腰胯發無定處如在手足頭面骨節間  
者最急其餘猶可緩也又形有一十三種外科精  
義已明但瘡形黑陷內流清水而運黃腹痛惡心  
者必難治矣

醫學大集卷之二  
腸癰者是氣血凝于腸胃之間結而不散發爲癰腫其症小腹腫硬如掌抑之則痛小便澁如淋時有汗出惡寒腹皮緊急轉側有水聲或達脣生瘡是其症也

乳癰者是乳房腫硬由血凝氣滯或因忿怒傷肝或因積熱不散乳汁不行結爲腫痛或兒口之氣吹而熾熱結成腫痛惡寒發熱是名吹乳又有婦人素有積憂結成隱核如鱉棋子大不痒不疼或三五年始發爲瘡破陷空洞名曰乳癌此難治之疾

也

便癰是血瘀也俗呼爲便毒言於不便處腫痛故爲便癰也乃是肝經積熱氣滯而然

囊癰者是陰囊上紅腫連小腹痛多因肝經濕熱滲入膀胱以致氣凝滯或受寒邪結而不散氣不能上升鬱而爲熱濕熱相蒸污濁而成膿矣惟好飲酒及怒氣人多有之

骨疽廻是肢上伏肉間痛不能轉側按之應骨作寒作熱皮色如常但微急如肥者是也此症多因夏

秋之月臥露受寒使氣不能發散以致伏結附骨久爲癰疽之患也又有石疽緩疽與附骨疽亦相類但形症少異耳

流注是鬱抑之氣結而不散發爲腫塊作痛肉色不變亦無頭粟或腫或消流注不定者是也

瘰疬是結核生於頸項胸腋之間初如豆粒漸若梅李累累相連病則增寒壯熱久而不散潰爛爲膿此病多因忿怒氣逆或感風熱之邪傷於肝經故令筋結而爲腫也若婦人久患瘰疬經閉久而變



生寒熱咳嗽而成癆瘵之病者多矣

癰癧之症皆因恚怒所生使氣血凝滯結而成癰者  
多生於肩項皮寬不急虛軟而垂是也癟者隨氣  
癟注初如梅李皮嫩而光漸如杯大是也癰名有  
五肉色不變謂之肉癰筋脈現露謂之筋癰赤脉  
交絡謂之血癰隨怒而消長謂之氣癰堅硬而不  
移謂之石癰癰亦有六種脂癰卽粉肉癰血癰膿  
癰骨癰卽筋石癰名雖不一亦無痛痒切不可決  
破恐膿血崩潰必致傷人大抵癰癧之類惟氣癰

脂瘤可以攻療餘則難治矣

脫疽是疔生於足指潰而自脫故名脫疽生於手指者名爲虹節疔重者腐去本節輕者筋攣

痔漏初起生於肛門邊或如鼠乳或結小核痒痛注悶或身熱惡寒此症皆由酒色過度肥甘久嗜醉飽入房勞擾血脉結聚肛邊腫硬成毒膿潰日久而爲漏矣

膝癰是濕熱之毒結而不散其症膝腫紅痛惡寒發熱當祛散其濕熱否則膿潰必爲殘疾矣大抵膝



癱與鶴膝風皆因腎氣虧虛寒濕之氣所襲多成此疾宜治之早若失治則爲彎曲偏枯之患也

鶴膝風是兩腿腫大作痛腿愈細而行步難也

凡癱疽有五善七惡

○五善者動息自寧飲食知味一善也大小便調勻二善也膿潰腫消色鮮不臭三善也神氣精明語言清朗四善也體氣和平五善也

○七惡者煩燥腹痛渴甚瀉利小便如淋一惡也膿血大泄焮痛尤甚臭惡難近二惡也喘粗短氣恍

惚嗜臥三惡也未潰先黑久陷面青唇黯便污者  
四惡也肩項不便四肢沉重五惡也不能下食服  
藥而嘔食不知味六惡也聲嘶色脫唇鼻清黑面  
目四肢浮腫七惡也更有氣噫否塞欬逆身冷自  
汗無時目瞪耳聾恍惚驚悸語言錯亂皆是惡證  
也五善見三則吉七惡見四必危若五善併至則  
吉而安七惡全見則危而死

辨有膿無膿色

凡癰疽之處大按乃痛者膿深也小按之便痛者

膿淺也按之不甚痛者未成膿也按之卽復起者有膿也按之不復起者無膿也若腫高而軟者於血脉腫下而硬者發於筋骨肉色不相變者發於骨髓也

時毒是感因時不正之氣初發狀似傷寒其症發於頭面耳項咽喉赤腫無頭或結核有根令人憎寒發熱肢體疼痛甚則咽喉悶塞鼻窒痰壅六七日間乃能殺人治之宜速也

脉法

脉訣云諸脉浮數者當發熱若無熱而反惡寒身有痛處者必發癰也

又云脉滑而數數則爲熱滑則爲實滑主榮而數主衛榮衛相逢結而爲癰又云數脉時見則生惡瘡

### 治法

丹溪云癰疽之症而作痛者有寒熱虛實皆能爲痛因寒結而痛者宜用溫熱之劑以散之因熱結痛者宜用寒涼之劑以折之因虛而痛者宜補之因實而痛者宜瀉之因風而痛者除其風因濕而痛者導其

